

五礼通考

第十二册

五禮通考卷第二百十六

內廷儀奉禮部右侍郎金賈泰舊編輯翰林院編修嘉錢大昕

李天保舊纂輯鄭觀承同訂嘉慶纂副使和宋宗完參校

嘉禮八十九

設官分職

春秋隱公元年秋七月天王使宰咺來歸惠公仲子之

賵疏周禮天官卿一人小宰中大夫二人宰夫下大夫四人宰夫職曰凡邦之事掌其戒令與其器幣財用既掌弔事或即充使此蓋宰夫也

顧氏棟高曰王人見于經者惟宰書官正義曰穀梁傳曰天子之宰通于四海其意言宰者六官之長官名通于海內當謂太宰之長官耳其屬官不應得通

而宰咺宰梁伯糾則必非長官亦稱為宰者蓋自宰夫以上皆通也愚意家宰紀法之守桓公篡弑王不能討即位四年未嘗一朝王室而王使下聘仲子諸

侯之妾以家宰歸賵皆非禮也故特書官以示譏若宰夫以下則如劉夏石尚書名可矣何必具官正義說非也

隱公三年左氏傳鄭武公莊公為平王卿士注卿士王卿之執政者

八年左氏傳虢公忌父始作卿士于周

程氏啟生曰鄭伯為左卿士則虢公右卿士也鄭伯奪政之後蓋周公黑肩代之故桓公五年伐鄭之役虢公將右軍周公將左軍

顧氏棟高曰案哀十六年傳楚白公勝謂石乞曰王與二卿士杜注二卿士子西子期也定元年傳子家子曰若君立則卿士大夫與守龜在是諸侯執政者亦謂之卿士

桓公二年左氏傳周內史聞之

桓公四年天王使宰渠伯糾來聘

疏傳言父在故名則于法當書字但中下大夫例皆書字故直

言王官之字不指小宰宰夫

莊公十九年左氏傳王收膳夫之秩

二十二年左氏傳周史有以周易見陳侯者

注史周太史也

二十二年左氏傳有神降于莘惠王問諸內史過曰是

何故也

僖公九年公會宰周公于葵邱

注天子三公

十六年左氏傳隕石于宋五六鷁退飛過宋都周內史

叔興聘于宋宋襄公問曰是何祥也吉凶焉在

顧氏棟高曰觀此及莊三十二年傳則內史亦掌占候吉凶之事蓋太史之屬也

二十四年左氏傳太叔以狄師攻王王御士將禦之禮王

之御士十一人 疏周禮無御士之官惟夏官大僕之屬有御僕下士十一人掌王之燕令

二十八年左氏傳王命內史叔興父策命晉侯為侯伯

顧氏棟高曰周禮內史職曰凡命諸侯及孤卿大夫則策命之鄭司農引此傳為証

三十年天王使宰周公來聘注天子三公兼家宰也

顧氏棟高曰僖二十八年踐土之盟國語以王子虎為太宰文公而經兩書宰周公皆在僖公時或中有遷代

文公元年左氏傳王使內史叔服來會葬

成公二年左氏傳王使委于三吏注三吏三公也 疏曲禮云五官之長曰伯其擯于天子也曰

天子之吏鄭云謂三公也是三公稱吏

襄公十年左氏傳晉滅偁陽使周內史選其族嗣納諸

霍人注內史掌爵祿廢置者

單靖公為卿士以相王室

十五年老氏傳官師從單靖公逆王后于齊卿不行非

禮也

注官師劉夏也 疏祭法云官師一廟鄭云官師中士下士也是天子官師非卿也

二十一年左氏傳欒盈過周辭于行人

注王行人也

將歸死于尉氏

注尉氏討奸之官 疏周禮司寇之屬無尉氏之官蓋周室既衰官名改易於時有此官耳

蕙田案漢以廷尉主刑名蓋因於此

王使司徒禁掠欒氏者歸所取焉

疏周官司寇掌詒奸慝刑暴亂當使司寇而云司徒者以司徒

掌會萬民之卒伍以起徒役以比追胥以此追寇盜是其所掌獲得罪人乃使司寇刑之耳

使候出諸轅轅

注候迎送賓客之官

顧氏棟高曰周禮夏官有候人各掌其方之道治與其禁令以設候人若有方治則帥而致于朝及歸送之于竟周語云敵國賓至候人爲道是諸侯亦有候人也

二十六年左氏傳晉韓宣子聘于周王使請事對曰晉

士起將歸時事于宰旅無他事矣

顧氏棟高曰周禮太宰之屬旅下士二十有二人

昭公九年左氏傳周甘人與晉閻嘉爭閻田王使賓滑

執甘大夫襄以說于晉

疏典邑大夫法當以邑名冠之而稱人甘人是甘縣大夫知閭嘉是晉之閭縣大夫

顧氏棟高曰周禮縣正每縣下大夫一人各掌其縣之政令徵比則此縣大夫即周禮之縣正也

二十一年左氏傳天王將鑄無射泠州鳩曰王其以心

疾死乎

注泠樂官

二十二年左氏傳司徒醜以王師敗績于前城

哀公六年左氏傳有雲如眾赤鳥夾日以飛三日楚子

使問之周太史

蕙田案以上周

隱公二年左氏傳司空無駭入極

注魯司徒司馬司空皆卿也

十一年左氏傳羽父請殺桓公將以求太宰

疏天子六卿天官為太宰諸侯

則并六為三而兼職焉昭四年傳稱季孫為司徒叔孫為司馬孟孫為司空則魯之三卿無太宰羽父名見于經已是卿矣而復求太宰蓋欲令魯特設是官以榮已耳以後更無太宰知魯竟不立之

文公十八年左氏傳莒僕來奔季文子使司寇出諸竟

襄公二十一年左氏傳季孫謂臧武仲曰子爲司寇將盜是務去

蕙田案臧宣叔武仲皆官司寇而名見於春秋則魯之司寇亦卿官矣顧甯人謂臧紇爲小司寇者非是

昭公四年左氏傳杜洩曰君使三官書之吾子爲司徒

實書名

注謂季孫也書名定位號

夫子爲司馬與工正書服

注叔孫也服車服之器工正所書

孟孫爲司空以書勳

注勳功也

疏周禮大司徒掌十二教十有一曰以賢制爵十有二曰以庸置祿故司徒書名定位

號也周禮夏官司馬其屬有司士掌羣臣之政以德詔爵以功詔祿工正雖不屬司馬掌作車服故與司馬書服也周禮司勳屬夏官今司空書勳者春秋之時又是諸侯之法不可盡與禮同

定公元年左氏傳孔子之爲司寇也溝而合諸墓

注孔子爲司寇

在定公

十年後

孔氏穎達禮記正義崔靈恩云諸侯三卿司徒兼冢宰司馬兼宗伯司空兼司寇三卿之下有五大夫五大夫者司徒之下立二八小宰小司徒司馬之下以

其事省立一人為小司馬兼宗伯之事司空之下立二人小司空小司寇今夫子為司空者為小司空也從小司空為小司寇也崔所以知然者魯有孟叔季三卿為政又有臧氏為司寇故知孔子為小司寇

十二年左氏傳仲尼命申句須樂頤下伐之

注仲尼時為司寇 疏史記孔

子世家云定公以孔子為中都宰一年四方皆則之由中都宰為司空由司空為大司寇十年會于夾谷時已為司寇矣十四年孔子由大司寇攝行相事是此時仲尼為司寇

蕙田案魯自成襄以後司徒司馬司空三卿常以季孟叔三家居之而子叔氏臧氏亦以世卿見於春秋又如成二年戰于鞏季孫行父臧孫許叔孫僑如公孫嬰齊四卿竝行其時尚有仲嬰齊仲孫蔑兩卿則魯亦有六卿但其官名惟臧孫許知是司寇餘二卿則不可考耳冉求稱孔子為國老而孔子之卒書於魯史蓋昭定之世臧氏漸微故以孔子代

之崔氏以為小司寇者疑非然也

桓公六年左氏傳子同生卜士負之士妻食之

注禮世子生三日卜士負

之射人以桑弧蓬矢射天地四方卜士之妻為乳母

莊公九年左氏傳師及齊師戰于乾時我師敗績公喪戎路傳乘而歸秦子梁子以公旗辟于下道是以皆止

注二子公御及戎右也

十一年左氏傳乘邱之役公以金僕姑射南宮長萬公

右顓孫生搏之

注檀弓云魯莊公及宋人戰于乘邱縣賁父御卜國為右車右與此不同者禮記後人所錄聞于所聞之口其事未必實也

三十二年左氏傳圍人犖

顧氏棟高曰周禮夏官有圍師圍人掌養馬者

閔公二年左氏傳成季之將生也桓公使卜楚邱之父

卜之

注卜楚邱魯掌卜大夫

顧氏棟高曰周禮司巫中士二人掌羣巫之政令若國大旱則率巫而舞雩鄭司晨引此傳爲証

汪宗伯掌宗廟昭穆之禮

顧氏棟高曰諸侯不應有宗伯而周禮春官之屬有都宗人掌都祭祀之禮家
宗人掌家祭祀之禮定四年傳稱魯公之封有祝宗卜史杜氏解宗爲宗人魯
語哀姜至公使大夫宗婦覲用幣宗人夏父展曰非故也韋注宗
人宗伯也則魯之宗人亦謂之宗伯蓋其所掌與周官小宗伯同

四年左氏傳衛甯武子來聘使行人私焉

顧氏棟高曰案行人見于經者六竝以見執書是乃一時奉使非專官又案襄四年正義云周禮太行人掌大賓之禮大客之儀小行人掌使適四方協賓客之禮諸侯行人當亦通掌此事故爲通使之官然則經傳所書行人雖各異其職掌正同

十一年左氏傳鄭瞞侵齊遂伐我公使叔孫得臣追之

侯叔夏御莊叔綿房甥為右富父終甥駟乘

注駟乘四人共車

十五年左右氏傳卞人以告

注卞邑大夫

顧氏棟高曰案昭四年申豐論藏冰曰縣人傳之杜曰縣人遂屬正義曰五縣為遂然周禮有遂人遂大夫而無縣人疑諸侯之縣大夫即謂之縣人也襄十年傳邾人紇正義曰公邑大夫皆以邑名冠之呼某人成二年傳衛新築人仲叔于奚杜曰守新築大夫昭二十一年傳宋廚人濮杜曰廚邑大夫是邑大夫通呼為人也

襄公四年左氏傳匠慶謂季文子

注匠慶魯大匠

七左右氏傳叔孫昭伯為隧正

注隧正主役徒疏隧正官名當周禮之遂人

二十三年左氏傳公鉏出為公左宰

注出季氏家臣仕于公

顧氏棟高曰魯有左宰即當復有右宰衛有右宰即當復有左宰然不知其所掌何職也

孟氏將辟藉除于臧氏臧孫使正夫助之

注正夫隧正疏隧正當屬司徒臧氏為

司寇蓋兼掌之

將盟臧氏季孫召外史掌惡臣而問盟首焉

疏周禮外史掌書外令掌四方

之志今季孫召外史蓋魯亦立此官也

顧氏棟高曰此疏言魯亦有外史之官而序文疏內則云史官身居在外季孫從內召之故曰外史又以南史外史皆非官名今據尚書諸侯得有內史則亦

二十七
年左氏傳十一月乙亥朔日有食之辰在申司
歷過也再失閏矣

蕙田案失閏者乃太史之屬所謂諸侯有日
御是也

二十八
年左氏傳叔孫穆子食慶封使工爲之誦茅鴟

二十九
年左氏傳使工爲之歌周南召南

顧氏棟高曰周禮春官太師下大夫二人小師上士四人其下有瞽矇之屬鄭注云凡樂之歌必使瞽矇爲焉命其賢知者以爲太師少師魯論有太師摯少師陽而傳無之今案昭九年傳屠蒯酌以飲工而檀弓以爲卽師曠則是太師以下通謂之工也

楚人使公視襚乃使巫以桃茆先祓殯

注巫者接神之官

顧氏棟高曰周禮男巫王弔則與祝前喪祝王弔則與巫前鄭司農引此傳爲證

昭公二年左氏傳韓宣子來聘觀書于太史氏見易象

與魯春秋曰周禮盡在魯矣

疏大史職掌書籍必有藏書之處若今之祕閣

四年左氏傳公御萊書

注公御士

五年左氏傳南遺使國人助豎牛以攻仲壬于大庫之

庭司宮射之

十七年左氏傳日有食之祝史請所用幣

顧氏棟高曰掌祝者謂之祝史猶掌卜者謂之筮史周禮春官大祝掌六祝之辭以祀鬼神示其屬有小祝喪祝甸祝詛祝等官定四年傳分魯以祝宗卜史謂太祝宗人太卜太史四官則魯有太祝也

二十五年左氏傳公果賁使侍人僚相告公

三十二年左氏傳公疾徧賜大夫賜子家子雙琥一環

一璧輕服受之公薨子家反賜于府人

哀公三年左氏傳桓僖災南宮敬叔至命周人出御書

俟于宮

注周人司周書典籍之官御書進于君者也

子服景伯至命宰人出禮書

注宰人冢宰之屬

校人乘馬巾車脂轄

注校人掌馬巾車掌車

公父文伯至命

校人駕乘車

蕙田案魯諸侯不設冢宰當有小宰以大夫為之而宰人則其屬也校人巾車皆周禮官名

二十四年左氏傳公子荆之母嬖將以為夫人使宗人覺夏獻其禮對曰無之公怒曰女為宗司立夫人國之大禮也何故無之

注宗人禮官

蕙田案以上魯所設官之見於傳者其左宰及周人二官則他國無之

襄公七年左氏傳南遺為費宰

顧氏棟高曰宰本家臣之名而邑長亦稱宰正義曰公邑稱大夫私邑稱宰然昭二十六年傳成大夫公孫朝是私邑亦稱大夫哀八年傳王犯嘗為武城宰是公邑亦稱宰也

十年左氏傳孟獻子以秦董父爲右

二十三年左氏傳季氏以公鉏爲馬正

注馬正家司馬

孟氏之御騶豐點

注騶是掌馬之官蓋兼掌御事謂之御騶

昭公二十五年左氏傳及季姒與饗人檀通

注饗人食官

叔孫氏之司馬鬻戾

顧氏棟高曰周禮家司馬各使其臣以正于公司馬鄭注卿大夫之采地各自使其家臣爲司馬主其地軍賦

叔孫昭子齊于其寢使祝宗祈死

顧氏棟高曰此叔孫氏之宗人即周禮所云家宗人也

臧會奔郕郕魴假使爲賈正焉

疏賈正如周禮之賈師其職云各掌其次之貨賄之治辨其物而均平之

禁貴賣者使有恆賈此郕市之賈正也

定公七年左氏傳齊國夏伐我陽虎御季桓子公斂處

父御孟懿子將宵軍齊師

蕙田案以此傳及哀十一年傳推之則魯卿

之御與戎右皆家臣也

八年左氏傳虞人以鉞盾夾之

孟氏選圉人之壯者三百人以爲公期築室于門外

十年左氏傳公南爲馬正使公若爲郈宰武叔使郈馬

正侯犯殺公若弗能其圉人

註叔孫之圉人

殺公若

叔孫謂郈工師駟赤

註工師掌工匠之官

哀公十一年左氏傳孟孺子洩帥右師顏羽御邴洩爲

右冉求帥左師管周父御樊遲爲右

十四年左氏傳叔孫氏之車子鉏商獲麟

疏服虔云車車士考家語有士字王

肅云車士將車者也

此則大夫之家主車

蕙田案以上大夫家臣

又案以上魯

桓公六年左氏傳申繻曰晉以僖侯廢司徒

註僖侯名司徒廢爲中軍

顧氏棟高曰僖侯之卒在春秋前百年是春秋時晉久無司徒之官僖二十七年晉文公始作三軍使卻穀將中軍則謂廢司徒為中軍者杜蓋據後事言也

三年左氏傳曲沃武公伐翼韓萬御戎梁宏為右

莊公二十六年左氏傳士蔣為大司空注大司空卿官

蕙田案獻公時尙以司空為卿至文公作三軍以將佐為六卿而司馬司空僅為散職先王之制盡廢矣

閔公元年左氏傳公將上軍太子申生將下軍趙夙御戎畢萬為右

二年左氏傳晉侯使太子申生伐東山臯落氏狐突御戎先友為右梁餘子養御罕夷先丹木為右注申生以太子將上軍罕夷晉

下軍卿也

僖公八年左氏傳里克帥師梁由靡御虢射為右

十五年左氏傳步揚御戎家僕徒為右梁由靡御韓簡